

Tutu é kuvi ũvi e táxnũu San Pablu iña ñã ñuú Corintu

Taxnũu Pablu tú'un iña ñã kuínti'xe i, ñã ntoo ñuú Corintu

¹ Xu'u é Pablú u ne, pustrú u iña Jesúcristu, tsí kuān o e ntío Xuva kō. Ntuví u ení ko Timoteu táxnũu ntí tutú sa'á iña ñã kuínti'xe i Xuva kō, ñã ntánataká nuu ini ukun ñuú Corintu, ni un ntíi ntíi ñã ntáduku ntée Xuva ko da kanii ñuú Acaya.

² Na naxnuu viko Xuva ko ntō. Na tā'xi ñã é kuntōo vá'a nto, ñã ñã ñã nī Tó'o ko Jesúcristu.

Nté ō ntó'o Pablu

³ Ká'an o ni Xuva ko, uvā Tó'o ko Jesúcristu, tsi dóo va'á ñã. Tsi ñã ñã é uva ko ñã e dóo kantunta'ví ini ñã kō, é kanatsu'un ka'nu ñã ini kō é vī'a é uten.

⁴ Xuva kō ne, kanatsu'un ka'nu ñã ini ko da nēé ka nuu i e ntánto'o kō vata koo é kŭvi natsu'un ka'nu o ini ta'an ko, ñã e ntánto'o i ñã, vata tsí ó de Xuva ko ni kō.

⁵ Tsi kuān te dóo ntánto'o ntí kuenta iña i e ntántikín ntí Cristú ne, ntá tsi ñã ñã dóo kanatsu'un ka'nu ñã ini ntí ñã.

⁶ Tē ntánto'o ntí ne, ntánto'o ntí vata koo é nāku'un ka'nu ini nto, vata koo é nākáku nto. É nátsu'un ka'nu Xuva kō ini ntí vata koo é nātsu'un ka'nu ntí ini nto ñã vata koo é kutíi nto é nto'o nto vatā o ntánto'o ntí.

⁷ Dōó ka'nu kuini ntí ni ntō tsi ini ntí tsi te kuān o ntánto'o nto vatā o ntánto'o ntí ne, kuan tsí ó kanatsu'un ka'nu Xuva ko ini ntó vata tsí ó de ñã nī ntí.

8 Ntio ntĩ é kũtuni ntó, ta'an ko, nté ò ntó'o ntĩ ñuú Asia. Un v'á tsi ntó'o ntĩ íkān. Dókō sá ña ni kutíi ntĩ. Tsí kũví ntĩ, kuíni ntĩ.

9 Ntá tsi kutuní ntĩ tsí da miĩ é kũví ntĩ, vata koo é kũtuní ntĩ tsí ña te miĩ ntĩ íó ntĩ é víi ntĩ, tsí Xuva kō é ío ña é víi ña, tsí ðivi ñā é kanantōto ña ña xi'i.

10 É nakākú Xuva kō ntĩ ði'na dá dokó sa nĩ xi'í ntĩ ne, kuān koo víi xtúkú ña. Iní ntĩ tsí nakāku xtúku ña ntĩ tē xeé doxi'i e dóo ntíi ĩni í,

11 te ðivi nto xntii ntō ntĩ é k'ā'an ntâ'ví nto kuenta iñá ntĩ. Te tĩtĩn ña'a ka'an ntâ'ví ña iñá ntĩ ne, tĩtĩn ña'a nakué'e ña sintiá'ví nta'a Xuva kō tsi ni'í ko é vā'á nta'a ña.

Nté kui ña ni ñé'e Pablu ñuú Corintu

12 Ío uun nuu i e dóo ka'nu kuínĩ ntĩ: tsi ñá te nēe kuetsí ntĩ tsí ña ni idé ntĩ nuu i é kīni kaa ñuxiví sa. Tsi dé ntaá ntĩ é k'ā'an ntĩ ni ntō é nuu é ntaā i. Tsi da xe dóo va'á Xuva kō né, xntii ñā ntĩ é kuān o dé ntĩ, tsí ña kúvi víi ntĩ nuu i é vā'á tē dí ña Xuva kō kaxntíi ña ntĩ.

13 Dā ntátaxnūu ntĩ tutú nta'a nto ne, ñá te tū'un e dóo xū'u ntáka'án ntĩ ni ntō, tsi ntáñe'e ðiki nto tú'ūn é ntáka'án ntĩ. Ntio ko é na k'īn ðiki v'á'a nto,

14 vatā o kue'en ðiki kúdii nto un siin e ntáka'án ntĩ ni ntō, vata koo é ka'nu kuínĩ ntó kuenta iñá ntĩ ne, ka'nu kuínĩ ntĩ kuenta iñā ntó ði, tē xee ntúvi é nainu xtúku Tó'o ko Jēsuu.

15 Tsí iní u sá'ā ne, ði'na mí ntoo nto k'īn u kíkoto ni'ni ú nto, kuínĩ kó, vata koo e dóo ðiní nto uvi íto é kōto ni'ni ú nto.

16 Tsi ntío ko é kuíta ntí'xin u mí ntoo nto te kuē'en u itsi ñuú Macedoniá ne, te kuíta ntí'xin xtúku ú da xkókoo ú, vata koo é xntii ntō kó te kuē'en xtúku ú itsi ñuú Judea.

17 ¿Ña v'á'a ntū ó ni dē kuení ko, te kuínĩ nto? ¿Ntákuinti'xe ntu nto te dotō tsí kaxé'e ú xu'u ko é

vii u, o tē ña vii u, vata tsí ó de ña é ña ntántikin Xúva kō?

¹⁸ Kutuni Xúva kō tsí nuu é ntaā i é kaka'án nti ni ntō, ñá te dotō tsí kaka'án nti.

¹⁹ Ntuní nti Silvanu ni Timóteú ne, ntáka'an ntódo ntí ni nto ña Jesúcristu, I'xá Xuva kō. Dìvi ñā ne, kaka'an ña é nuu é ntaā i, ñá te dotō tsí kaka'an ña.

²⁰ Tsí ñā ñā ne, dē ntaa ntí'í ñā é un nti'í e tá'xi Xúva kō xu'u ñā. Dukuān ne, ntáka'an ō “Kuan tsi koo na kōo” da ntáka'an o tsí dóo ka'nu Xuva kō.

²¹ Xuva kō ne, é tá'xi ñā é kuve ta'an kūtu o Cristu. Mii ñā nákañúu ñā kō.

²² É xntēé na'a ñá ko vata koo é kūtuni ko tsi ntáduku ntée o ñā. Tsi tá'xi ñā Espiritū Sántū san é kunūu ñā nima ko vata kaa uun káa é ntēé na'a nima ko.

²³ Ntá tsi ñā ni nákuita nti'xin ú ñuú Corintu vatā ó kaka'án u, tsí ñā ni ntío ko é kuntōo ntá'xa nto kuenta ñā ko. Ini Xúva kō tsí nuu é ntaā i.

²⁴ Tsi ñá te ntí'í ntádē kú've nti nté koo kuinti'xe nto Xuva kō, tsi é ūve tá'an kutu nto ñā. Ntá tsi ntío ntí xntií ntí nto e dií dií ka kuntōo díni nto nta'a Xuva kō.

2

¹ Dukuān ne, ñā ni ntío kó kí'in xtúku u kíkoto ní'ni ú nto tē dóo kuntoo nta'xa nto.

² Tsí te xū'ú vii u é kuntoo nta'xa nto ne, ¿xoó ntu vii i é nakunuu díni nimá ko, tē ñā ñā ñā ñā?

³ Dukuān e táxnūu ntí tutú san ñā nto, vata koo é ñā kutuví nta'xa ú kuenta ñā nto te xee ú mí ntoo nto, tsí ntío kó kutūvi díni u kuenta ñā nto. Tsí te kutūvi díni u ne, dadí kūntoo díni ó ni ntō.

⁴ Dā dé va'á u tutú san ne, dōo dé kuení ko, dōo ntí'í iní ko. Un tsi nte éku u. Ntá tsi ñā ni de vá'ā

ú tutú san é na kũntoo nta'xa nto, tsí vata koo é kũtuni nto tsí ña te nté kaa kuinimá ko nto.

É kãda ka'nu iní ña nĩ ña edé kĩni kaa

⁵ Ntá tsi te ũun ña'a dé ña é kutuví nta'xa ú ne, ñá te miĩ tsú kutuví nta'xa u, tsí iõ ntó é kũntoo nta'xa nto kuénta iña i é edé ña ði. Ká'ãn ú tsi “iõ ntó” vata koo é ña ká'an ú te un ntĩ'i ntõ.

⁶ E xée õ tsi é nantõ'o nto ña, dókõ sá un ntĩĩ ntĩĩ nto.

⁷ Vevii ne, diĩ ka vá'ã ó te kãda ka'nu iní nto ni ñã, te nãxnuu ka'nu nto iní ña vata koo é ña kutuví kue'en ñá dontĩni.

⁸ Dukuãn ne, kaikán u nta'a nto te kuē'é nto é kũtuni ña tsí ntio nto ña.

⁹ Di'na táxnũu ú tutú kuenta iña núu i sá'a é kōto ntee ú nto te kãda ntaa nto é un ntĩ'ĩ é kã'ãn u ni ntõ.

¹⁰ Da xõo ka ña'a é kãda ka'nu iní nto ni ñã ne, kada ka'nu iní u ni ñã ði. Da nēé ka nuu i é dé ka'nu iní u ni ñã'a nuú Cristú ne, dē ka'nu iní u ni ña kuénta iña nto,

¹¹ vata koo é ña kuvi vii é ña vá'ã san ni ko. Tsi ini vá'a õ nté xkoó de.

Dõo ntĩ'i iní Pablu ñuú Troa

¹² Dã xeé u ñuú Troa é kã'an ntódõ ú kuenta iñá Cristú ne, dõo vá'a ni'i itsi é kada tsiñu ú iña Tó'o kō.

¹³ Ntá tsi ña dĩni nuu nimá ko, tsí ña ni naní'i ko ta'an kō Tito. Dukuãn ne, nakué'e ú ña ntoo ikãn doka'nú iní ne, dá kuē'én u ñuú Macedonia.

É kãxé'e Xuva kō é kũvi vii ña

¹⁴ Ntá tsi ntadiá'vi Xuva kō tsí nguentúvi kata'xi ña é kũvi vii nti, tsi kúvi dé Cristú ne, ntántikĩn nti ña. Dã mí'i ka ntáñe'é nti ne, ntaíní'i nti tú'un iña ña vata koo é kũtuni ñá'a xoo ñá'a é ðivi ñã. Dukuãn

ó kaika tú'un iña ña dá kanii ñūxiví sa, vatā ó kaika diko i e dóo vá'a ñe'e.

¹⁵ Ntí'í ne, vata kaa díkō kutu é kaxé'e Cristu ntá'a Xuva kō ntáa nti, uun díkō i é kaika mé'ñū ña ntánakáku san nī ña ntákunaá san.

¹⁶ Dā íni ña ntákunaá san ne, kutuni ña é nī'i ña dóxi'i. Dā íni ña ntánakáku sán ne, kutuni ña é nī'i ña ntuvi iña ña. ¿Xoó ntu kivi vií i nuu i sá'a? Mii tsi Xuva ko tā'xi ña é kūvi vií nti.

¹⁷ Ntí'í ne, ñá tē ntaíka nti ntádikō nti tú'un Xuva ko vatā ó de ña nguī. Ñá tē ntánadama ntí tú'un ñā, tsi ntáka'an ntaá nti tú'un Xuva kō, ñá tē ntaéni nta'ví nti ña'a. Tsí mii Xuva kō táxnūu ña ntí ne, é kūve ta'an ntí nī Cristu.

3

Tū'un xee é naxtūví Xuva kō

¹ ¿ō ntádē kuení ntu nto tē ntáka'an xtúku ntí ni ntō tsi dóo va'á nti? ¿ō ntio ntu nto é kuído ntí tutú sa xee nti mí ntoo nto vata koo é kūtuni nto xoó ña'a nti? ¿ō kantio ntu é kākán nti nto tutú sa, vatā ó de tuku ña'a?

² ¡Ñā'á ni san! tsí ñi nti e kúvi nto tutú san é nī'i nti. Tsí ñi nti ne, vata kaa uun tutu é ntēé na'a nimá nti é kīni un ntí'í ntí'í ña'a san, nakua'a ña.

³ Tsí nto'ó ne, vata kaa uun tutu é de vá'a Cristu é nī'í nti. Ñá te tūnta ni xé'e, tsí Espíritu Xuva kō, ña kantíto ntii dañu ntūvi. Ñá te āta xúu ni kanteé na'a, tsí nima ñá'a san é kanteé na'a.

⁴ Dōo ntaíntée ini ntí Xuva ko kuēnta iñá Cristu.

⁵ Tsí ña te mií xnti iní nti nté koo vií nti, tsí nee iña é ncho vií nti ne, vé'xi nta'a Xuva kō.

⁶ Ñi nti ña nañē'e ñá nti nté koo vií nti tsiñu kuēnta iña tú'un xee san e xtúvī ña. Tū'un xee san ne, ñá te tū'un é ntēé na'a é kada ntaa o vatā ó lei Muísee, tsí

ntuvi iña ko é vē'xí nta'a Espíritū Sántū. Tsi tú'ūn é ntēé na'á san ne, kaka'an tsí ni'i ko dóxi'í san tē ña ni de ntáa o, ntá tsi Espíritū Sántū sán ne, kata'xi ña ntuvi vā'á iña ko.

⁷ Tū'un e xtúvi Xuva kō kídaā ne, áta xūu tsí kanteé na'a. Ntá tsi un tsi kaxi'í nuu ka'nu nuu Muísee da kí'i ña tú'ūn san, Ntē ña ni kutíi ña Israeé san koto ña nuu ña, tsi dóo kaxi'í nuu. Ntá tsi da kuíi da kuíi tsi kanta'va ntúve ī san. Te kuān o xi'í nuu ka'nu da xée tú'ūn é nī'i kó doxi'í san ne,

⁸ ¿nté ntu kaa dií dií ka'nu tú'ūn e tá'xi Espíritū Sántū san?

⁹ Tē dóo ka'nu kúvi dá xee lei é nī'i kó doxi'í ne, dií dií ka ka'nu kuví dá xee tú'ūn é kā'an Xúva kō tsi ntí'i kuétsi kō.

¹⁰ Lei e xtúvi ñá di'na ne, dōo ka'nu, ntá tsi vevíi ne, ña ká'nū ka vata kaa tú'ūn xee san.

¹¹ Tē dóo ka'nu kúvi da xtúvi ña lei é ña na'a ni idiá'vi ne, da dií dií ka ka'nu kuví dá xee tú'ūn e ntíi dañu ntúvi kaidiá'vi.

¹² Nuú é ntaā i tsí iní ntí tsí kuān koo kuví. Dukuān é ntáka'an ntaá ntí ni ntō.

¹³ Ñā ntáde ntí vatā o dé Muisee. Tsí Muiseé ne, dávi nuu ña nuu ña dóo san vata koo é ña kiní ña Israeé san tsí kanainu kudíi é kāxi'í nuu nuu ña.

¹⁴ Ña Israeé san ne, kúka'xi diki ña; ñá ntáñe'e diki ña. Kuan tsí ó ntee doó san nuu ña vata koo é ña kí'in diki ña da ntánakuā'a ña tú'un āta san e xtúvi Xuva ko ntā'a Muisee, tsí mii tsí Cristu kuví víi ña naki'i ña doó san é nteé nuu ña vata koo é kí'in diki va'á ña.

¹⁵ Vata da e ntánakuā'a ña lei Muiseé san vevíi ne, vatā ó te kanteé doó san nuu ña vata koo é ña kí'in diki ña.

¹⁶ Ntá tsi tē xoó ña'a xkokoō ñá ne, nakuntíkin ña Tó'o kō ne, naki'i ña doó san é ntee nuu ña.

¹⁷ Un tsi Xúva ko ni Ēspíritū Sántū sán ne, xoo ñá'a é nuu Espíritū Xúva kō nima ñá ne, ntaíka xaa ña.

¹⁸ Un ntíí ntíí o é ña katavi núu ka doó san nuu ko ne, nāxi'í nuu ko vata koo é kīni ó Xuva kō nté kaa ña e dóo va'á ña. Dukuān ne, ntánadama ntí utén utén é ntūvi ntí vata kaa Cristu, tsí utén utén kanata'xi ká ña kō e dóo va'á iña ña. Sá'ā é vē'xí nta'a Tó'o kō Espíritū Sántū san.

4

¹ Dukuān ne, ña ntánatívi iní ntí, tsi dóo vá'ā o dé Xuva kō da tá'xi ña tsiñu sá'a é vīí ntí.

² Ntí'í ne, ñá vīí ntí uun nuu i é kini kaa vatā ó de ña é kade xū'u, é kau'vī ña é vīí ditó ña. Ñá tē ntaéni nta'ví ntí ña'a; ña ntánadama ntí tú'un Xuva kō. Tsi ntí'í ne, ntáka'an ntáa ntí ni ñā'a é nuu é ntaā í vata koo é kūtuni ntí'í ña tsí da mii tsí é vā'a e ntáde ntí. Ini Xúva kō tsí nuu é ntaā i e ntáde ntí.

³ Tē kuiní ña'a te dóo xū'u ntáka'án ntí tú'ūn va'á san ne, ntá tsi ña te un ntíí ntíí ña, tsí mii tsí ña ntákunaá san é ña ntátekú ña tú'ūn e ntáka'án ntí.

⁴ Tsí ñá ña é ña ntákuintí'xe i Xuva kō ne, kūnéé nuu ña. Tsi é ña vá'ā san é kadē kû've ñuxiví sa ne, edí nuu nuu ña vata koo é ña kiní ña tsi dóo va'á tú'ūn va'á san iña Cristu, ña e dóo va'a. Tsí te kīni ñá Cristú ne, kiní ña nté kaa Xuva kō ña.

⁵ Dā ntáka'an ntódo ntí ne, ñá te kuēnta iña mií ntí ntáka'an ntódo ntí, tsí kuenta iña Jesúcristu, tsí ñá ña e Tó'o ko ña. Ntí'í ne, kūdii ña ntáde tsiñu iña nto ntí kuenta iña Jesús.

⁶ Mii tsi Xuva kō, ña é de kû've é xi'í nuu ñu'ú san mí nēé san ne, ñá ña ña naxi'í nuu ña nimá ntí vata koo é kuenta iña ñu'ú san ne, kutuni ko tsi dóo kaxi'í nuu ka'nu Xuva ko te kiní ó Cristu.

¿Nté koo kuntoo o e ntákuinti'xe ko Xuva kō?

⁷ Ntá tsi nuu i e dōo nuu a'vi e tá'xi Xuva kō ne, nuu kúñū ntí. Kúñú ntí ne, vata kaa kídī é kudii nté'u kúvi, ntá tsi é nuu iní i ne, dōo nuu á'vi i vata koo é kīni ñá'a tsí ña te míi ntí kuvi vií ntí, tsí Xuva kō é kúvi vií ña.

⁸ Kuān te titín nuu i ntánto'o ntí ne, kūtíi ntí. Kuān té ntánti'i iní ntí nté koo vií ntí, ntá tsi ió ka cho'o i nté koo vií ntí, kuiní ntí.

⁹ Kuān te dōo ntántukū nuu iní ña'a san nté koo vií ña nī ntí, ntá tsi ña kaxtuví mii Xuva kó ntí, tsí kainuu mé'ñu kainuu dáva ña ntí. Kuān te ntánantāva ña ntí ñú'u kán, ntá tsi ña te ntáxi'i kue'én ntí.

¹⁰ Dā mí'ī ka ntáñe'é ntí ne, ntaíka ni'ī ntí doxi'í ntí kuenta iña Jéssu vata koo é kīnī ña'a sán ntí ne, kutuni ña tsí kantíto Jessu.

¹¹ Dá ió ka ntuvi iñá ntí ne, utén utén ntántuvi kuentá ntí nta'a doxi'í san kuenta iña Jéssu vata koo é kīnī ña'a tsí kantíto Jessu, tsi é nī'í ntí ntuvi vā'á iñá ntí kuenta iña ñá, kuān te xi'í kúñū ntí.

¹² Dukuān ne, ntaxé'e ntí kúñū ntí dóxi'í san vata koo é nī'i nto ntuvi iña nto.

¹³ Ió mí ūve na'a tú'ūn é kāka'an ña é itúvi ntuvi dí'na, kaka'an ña: “Kuinti'xe kó ne, dukuān é kāka'án u”, ka'an ña. Ntí'í ne, dadii kuinti'xe ntí ni ña tsíkán ne, dukuān e ntáka'án ntí di.

¹⁴ Tsí iní ntí tsí Xuva kō ne, nantóto ña Tó'o ko Jéssu dá xi'í ñá ne, kuan koo nantóto ña ntí di ne, dá nakí'i ña kó ni ntō, é kuntoo dadii o ni ñá.

¹⁵ Un ntíi ntíi é ita ntí'xin ntí ne, e kúvi kuenta iña nto. Tsí tē kútítín ña'a naxnuu viko Xuva ko ña né, dōo kútítín ka ña'a nakué'e ña sintiá'vi nta'a Xuva kō ne, ka'an ñá tsi dōo ka'nu Xuva kō.

16 Dukuān ne, ña ntánativi iní ntí. Kuān té ntánativi kúñū ntí, ntá tsi utén utén ntánaku'un vá'a nimá ntí.

17 Kuān té ntánto'o ntí veví ne, ntá tsi ñá tē nté sa ntii tū'un, tsí da kuíta ntí'xin. Ntá tsi kani tú'un tsí ðiví é nī'í ntí ntuvi vā'á kue'en iñá ntí nta'a Xuva kō é kutūví ntii dañu ntūvi.

18 Ntá tsi ña ntáde ntí kuenta nee e dīto, tsí nee e dītó san ne, ña te nguentúvi kaxntíi; nee é ña dītó san ne, ðiví é kaxntii ntii dañu ntūvi.

5

1 Kūñú kō é iō ñuxiví sa ne, vata kaa uun vi'i mí kuntoo taan ō kaa. Tē ntí'í kúñu kō ne, ini o tsí ntoo vá'a vi'i vā'á ko iña Xuva ko e dukún kán, mí kuntoo o ntii dañu ntūvi. Tsí ña te ña'a ni de vá'a ña, tsí mii Xuva kō de vá'a ña.

2 Dá ntōo ká o ñuxiví sa ne, ntáxkoo kani ō e dóo ntio ko é kuntoo o vi'i vā'á kō é ta'xi Xuva ko tē xee o nta'a ña e dukún kán.

3 Nakū'ún o vi'i vā'á san é kūtavi núu o vata kaa du'nu vata koo é ña kuntíi nima ko te xi'i o.

4 Dá ntōo ká o nī kúñu kō ñuxiví sa ne, ntáxkoo kani ō tsi dóo ntánti'í iní kō. Ntá tsi ña te ntío kō é nakuíta o kúñu kō, tsí ntio ko kúñu xee kō é nī'í ko nta'a Xúva kō. Ntio kō é nadama o ntūvi iña ko é kantí'í ntuvi iña ko é ña kantí'í ntii dañu ntūvi.

5 Xuva kō de kú'vē ñá ko kuēnta iña i sá'a: é ntio ñā é nī'í ko ntuví va'á iña kó ne, ðivi ñā tá'xi ña Espírиту ñā vata koo é koo ntaá iní ko é nī'í ko.

6 Dukuān ne, ñá tē nguentuvi ntaíntée ini ntí, kuān té kuví ntí, tsí iní ntí tsi dá ntōo ká ntí ñuxiví sa ne, dōó ikā ntoo ntí mí tuví Xuva kō.

7 Ntá tsi ntaíka ntikín ntí Xuva ko, kuān te ña ntaíní ntí ña.

⁸ Dukuān ne, ntaíntée ini ntí, kuān te na kuví ntí, tsi díí díí ka vá'ā ó te tsoo mií ntí kúñū ntí ne, dá k'ín ntí nta'a Xuva kō, kíkuntóo dadíí ntí ni ñā.

⁹ Dukuān né, kuān te ntóo ká ntí nī kúñū ntí, kuān te tsoo míi ntí kúñū ntí ne, ntá tsi ntánti'i nuu iní ntí é vīí ntí nēe é ntio Xuva kō.

¹⁰ Tsí da mií é naxee o un ntíí ntíí o kuntāñi ó nuú Cristu vata koo é nī'i ko nee é dūku ntée o, te vā'á ne, o tē ña vá'a, vatā o de kúñū kō da intóo o ñuxiví sa.

Tū'un é ntuvá'a o ni Xuva kō

¹¹ Dukuān ne, da xé iní ntí tsi dóo donchu'ví ide Xuva kō ne, ntánti'i nuu iní ntí ntáka'án ntí ni ña'a te kuínti'xe ña ña. Ini Xúva kō nté ntaa ntí ne, ntio ntí é kūtuni ntó dí, te vā'á ntí ne, o tē ña vá'a ntí.

¹² Ñā ncho ka'an tūkū ntí ni ntō e dóo va'á ntí, ntá tsi ntio ntí é vā'á kuini nto kuenta iñá ntí vata koo é kuvi nantiko koō nto e ntáka'an ñá'a, ña e dóo ka'nu kuiní i iña tuku ña'a te vā'a íto ña, ntá tsi ña ntáde ña kuenta te vā'á nima ñá ne, o tē ña vá'a.

¹³ Tē ntákulukú ntí, kuiní nto ne, kuenta iña Xuva ko; te vā'á ntí ne, kuenta iña nto.

¹⁴ E dóo kuínima Cristú ntí ne, kade kú'vē ña ntuvi iñá ntí un tsi nte da kútuní ntí tsí mii ñā é xi'i ñá kuenta iña ko un ntíí ntíí o.

¹⁵ Vata tsi tē kuédadíí xi'i o ni ña un ntíí ntíí o, vata koo é xo'ō é ntoo ká o ne, ñá vīí ka o é ntáde kueni mii ko, tsí vii o nee é ntio Xuva kō, tsí dīvi ñā xi'i ñá naa ko ne, ntá tsi ntoto xtuku ña kuenta iña ko.

¹⁶ Vevíí ne, ña ntaíní ka ntí ña'a nté ito ña vatā o dé ña'a ñuxiví sa. Kuān o íni ntí Cristu kídaa ñuxiví sa, ntá tsi ña kuán o káiní ka ntí ña vevii.

¹⁷ Dukuān né, te xōo ñá'a é kuvi uun tsi ña nī Cristú ne, é tūku ñá'a ntuvi ña ve. É itā ntí'xin é átá san ne, é ntūxéé nima ñá vevii.

18 Un ntí ntí nuu i sá'ā né, nta'a Xuva ko vē'xi, tsí ðivi ñā tá'xi ñā é ntūvá'a ntí ni ñā kuénta iñá Cristú ne, ðivi ñā téé tsiñu ñā ntí é kā'án ntí ni ñā'a san é ntūvá'a ñā ni Xuva kō.

19 Da xe é xi'í Cristu kuénta iñā kó ne, xé'e Xuva kō é ntūvá'a ñā'a ñuxiví sa ni ñā, é ñā dá'vī ká ñā ñā kuétsi ñā. Tēe tsiñu ñā ntí é kuē'é ntí é kūtuni ñā'a san nté koo ntuvá'a ñā ni ñā.

20 Ntí'í ne, nāā Cristu vé'xi ntí. Vata tsi te mii Xuva ko kāka'an ñā é ntáka'an ntí ni ñā'a kuenta iñá Cristú tē ntuvá'a ñā ni Xuva kō.

21 Cristú ne, ñā túvi kuē'en tsi kuétsi ñā. Ntá tsi Xuva kō ne, dá'vi ñā ñā kuétsí ko ūn ntí ntí o dá xi'i ñā kuenta iñā ko vata koo é ñā kōó ka kuétsi kō ne, vii ō é vā'a é ntio Xuva kō.

6

1 Ntí'i e ntáde tsiñu dadí ntí ni Xuva kō ne, ntaikán ntí nta'a nto tē ñā te é ntaā i é nī'i ntó doméni e tá'xi Xuva ko ntō.

2 Tsí Xuva ko kāka'an ñā tú'ūn é ntēé na'á san: Ura vá'a téku ko é kāka'an; ntuvi dá nakáku ú o ne, xntíi ú o, ka'an ñā. Vevíi ne, ura vá'a; vevíi ne, ntuvi é nakakū ñā kō.

3 Ñá te kaēdí nuu ntí itsi é kuntikín ñā'a Xuva kō, tsí ñā ntío ntí é kā'an kíni ñā'a san kuenta iñā tsiñu e ntáde ntí iñā Xuva ko.

4 Ñá'ā, tsí da nēé ka nuu i e ntáde ntí ne, ntáde ntí é vā'á vata koo é kūtuni ñā'a tsí nuu é ntaā i é kāde tsiñu ú iñā Xuva ko da íni ñā tsi ntákutí ntí nimá ntí kuān te dóo ntánto'o ntí, kuān te ntákunáa nteé ntí, kuān te ió nuu i e dóo ntíi tu'un.

5 Tsí kutí ntí nimá ntí da káni ñā ntí xo'o ne, tsu'un kutu ñā ntí vi'i utun, dā nátaká nuu ñā é ncho vií ñā du'xen nī ntí, dā un vá'a tsi ntíi dé tsiñu ntí. Ntē ñā ni kidí ntí ne, intóo ntité ntí ði.

⁶ Kūtuni ñá da íni ña tsí ña ini dé ntí é kīni kaa, tsí ini va'á ntí tú'un Xuva kō, tsi dóo ntákutí ntí nimá ntí, tsi ntáde ntí é vā'á ni tā'an ntí, tsi é nuu Espíritū Sántū nimá ntí, tsí kanī nimá ntí ntákuinima tá'an ntí,

⁷ tsi ntáka'án ntí tú'ūn é nuu é ntaā í, tsi tá'xi Xuva ko ntí ntí é kūvi víí ntí. Da mii kuē'en tsi é vā'a e ntáde ntí da ntánāá ntí kuenta iña tú'un Xuva kō, da ntánada'ān ntí kúñū ntí dī.

⁸ Un vé'xi ne, dōo ntáde ka'nu ña'a sán ntí; un vé'xi ne, ntánakuitā ñá ntí. Un vé'xi ne, vā'ā o ntáka'an ñá iñá ntí; un vé'xi ne, ntáka'an kīni ña. Un vé'xi ne, ntáka'an ña tsí ña veté ntí; ntá tsi nuu é ntaā i e ntáka'án ntí.

⁹ Un vé'xi ne, ntáka'an ña tsi ñá ini ñá ntí; ntá tsi ña te da díi ña'a ini va'á ña ntí. Un vé'xi ne, dókō sa ntáxi'í ntí; ntá tsi ntánakáku ntí, ntoo dukuān ntí, ntaíní nto ntí. Un vé'xi ne, ntáni'í ntí é ntō'o ntí; ntá tsi ña ntaé'ní kue'en ñá ntí.

¹⁰ Kuān te ntōo nta'xa ntí, ntá tsi nguentúvi tsi dóo diní ñu'u nimá ntí. Kuān te ntā'ví ntí, ntá tsi dóo tītín ña'a ntáde kuika ntí ña. Kuān té ña tuví nee ío ntí ne, ntá tsi é un ntí'í ío iñá ntí.

¹¹ Ntō'ó ta'an ntí, ña ñuú Corintú ne, e ntáka'án ntí ni nto ntánī nimá ntí.

¹² Ñá te ntí'í é ña ntío ntí nto, tsí dīvi ntō é ña ntío nto ntí.

¹³ Kaka'án u ni nto vata kaa uva í'xa é káka'an ñá ni í'xā ñá ne, víí nto da xe'e, kuinima ntó ntí dadī vatā o ntákuinimá ntí nto.

Xo'ō ne, vata kaa ví'i Xuva ko mí tuví ña ntáa ō

¹⁴ Ñá ku kini nuu nto ni ñā'a, ña é ña ntákuintí'xe i Xuva kō, tsi ¿nté ntu koo kuntoo dadī é vā'á san nī é ña vā'á san? ¿Vá káxi'í ntu é nēé san mí ío ñu'ú san dī?

15 ¿Nté ntu koo kudadii Cristu ni tó'ō e ña vá'ā san? ¿Nté ntu koo kudadii ña kakuinti'xe i san nī ña é ña kakuinti'xe i?

16 Ña kúvi kuntōo santu e ntúvá'a nāa ini ukún Xuva kō. Xo'ō ne, vata kaa uun xúkūn mí tuví Xuva kō, ña kantítō san, ntáa ō. Tsí mii Xuva kō ne, kaka'an ña:

Tuví u ni ñā ne, kaika ú ni ñā;
xu'ú kuvi ú Xuva ñā ne,
dīvi ña kūvi ña ña'a ko,
ka'an ña.

17 Dukuān ne, kaka'an xtúku Xuva ko ni kō:
Ntii ntō mé'ñū ña'a san, nakuntóo xio nto;
ñā ku tīn nta'a nto nēe é ña vá'a.
Kidáā ne, xu'ú nakuidó u nto.

18 Kuvi ú Uva ntō ne,
kuvi nto i'xá ko di,
ka'an Xúva kō, ña e dōo iō i é vīi.

7

1 Ntō'ó ta'an ntí e dōo ntio ntí ne, sá'ā xe'é Xuva ko xū'u ña é vīi ña. Dukuān ne, ntada ntoo tsi mii ō kúñu ko ni nīma ko nee é kīni kaa. Kuiko ñu'u o Xuva kō, na ū'vi ko ña, tsi dōo ka'nu ña. Kada ntaa ntí'i ō nee é kāka'an ña.

Nadama ña ñuú Corintu nee e ntáde ña

2 Naki'i nto ntí ntánī nima nto. Ná tē neé ñi ide ntí ni ntō é kīni kaa. Ná ni nakunāá ntí nto. Ná ni enī ntá'ví ntí nto.

3 Ná te káde tíi ú ni ntō é kuetsí nto. Tsi é īni nto é kāka'án u ni nto dī'na tsí kudadii nima ko é dadīi kuntōo, é dadīi kuví ō.

4 Dōo iō ko é ká'án u ni ntō. Dōo vá'a kakuiní ko ni ntō. Dōo kanakunuu ka'nu iní ko kuenta iña nto. Kuān te dōo títīn nuu i e ntánto'o ntí, ntá tsi dīnī kue'en túvi u.

⁵ Nté dā xee nti ñuú Macedonia ne, ñá ntaíntóo da'na nti; ki'in itsi ntáto'o nti mi ntáñe'é nti: ntánāa ntée ña ntí ne, ntaú'ví nti di.

⁶ Ntá tsi Xuva kō ne, kanaxnuu ka'nu ña iní ña ntoo nta'xa san ne, ñivi ñā náxnuu ka'nu ña iní nti dá xee Títo.

⁷ Dōo diní nti tsí xee ña, ntá tsi dií dií ka diní nti tsí kaka'an ña tsí ñivi ntō náxnuu ka'nu nto iní ña ne, kaka'an ñá tsi dóo ntio nto é kinī ntó ko, e dóo ntoo nta'xa nto kuenta iña i é kākā'án u ni ntō, e dóo ntánti'i iní nto ko. Dā tékū ko sá'ā ne, dií ka nakunuu dīnī kue'én nimá ko.

⁸ Kuān te kūnta'xa iní nto kuenta iña tutu e táxnūu ú ne, ñá kánatívi iní ka ko é taxnūu ú, kuān te nátívi iní ko di'na dá kūtuní ko tsi kūnta'xa iní nto kuenta iña i; ntá tsi ña na'a tsi.

⁹ Vevíi ne, dōo diní ko kuenta iña nto. Ñá tē dīnī ko é kūnta'xa iní nto, ntá tsi dīnī ko tsí idiá'vi é kūnta'xa iní nto, tsi kidaā nakuíta nto é kīni kaa san. Kūnta'xa iní nto vatā ó ntio Xuva ko ne, dukuān ñá tē nee é kinī kaa ni íde ntí ni ntō.

¹⁰ Tsí te kūnta'xa iní ko vatā ó ntio Xuva kō ne, natívi iní ko kuetsí kō; kidāā ne, nani'i ko ntuví va'á iña ko. Kidāā ne, ñá kunta'xa iní ka kō, tsi e nani'i ko ntuví iña ko. Ntá tsi te kūnta'xa iní ko vatā ó de ña'a ñuxiví sa ne, ñá ntūvá'a ō, tsí kuvi o dóntíni.

¹¹ ¡Kiní nto ve nté ō kúvi da intóo nta'xa nto vatā o ntio Xuva kō! tsi dóo dé kuení nto ne, dōo xió ntii nto é nada'an mii nto kúñu ntō di. Dōo dutsi kuíni nto é kākā'án u ni ntō ne, ú'ví ntó di. Dōo ntio nto é kinī túku nto kó ne, ntánñ nima nto é ntio nto é vii nto é vā'a, tsí xe'é nto é ntō'o ña é ede é kīni kaa san. Un ntí ntí dé nto vata koo é kūtuni ñá'a tsí ña tuví nee kuetsí nto nuu i sá'a.

¹² Dukuān né, dā táxnūu di'na ú tutú san ne, ñá te

kuēnta iña ña é ede é kīni kaa sán, ntē ña te kuēnta iña ña e ntó'o i, tsí kuenta iña ntó, vata koo é kūtuni ntó nuu Xuva ko tsi ntánī nima nto ntántī'i iní nto ntī.

¹³ Dukuān né, dōó ka'nu kuiní ntī.

Dā dií dií ka nakú'un ka'nu iní ntī da íni ntí e dōó diní tuvi Títo kuenta iña nto. Tsí un ntí ntī nto nátsu'un ka'nu nto iní ña vata koo é ña kutsú'un ká ña kuenta iña nto.

¹⁴ Kidáā ne, é kākā'án u nī Tito e dōó va'á ña'a nto, kuiní ko. Tsí nuu é ntaā í é un ntí'ī é kākā'án ntī nī ntō ne, kuan tsi ō é nuu é ntaā í vatā ó kaka'án ntī nī Tító san dī.

¹⁵ Tsí dā dií dií ka ntío ña nto dá kanaka'an ñā nté ō dé nto e dōó dé ntaa nto é kākā'an ñā nī ntō, e dōó vá'ā o náki'i nto ña, e dōó ntaíko ñu'u nto ñā.

¹⁶ ¡Dōo diní ko nī ntō tsí iní vá'a ú tsi ntáde ntaa ntí'i nto nēe é kākā'án u nī ntō!

8

Kué'e diu'un táxnū ña doméni

¹ Kuan vī'a vé, ntō'ó ta'an ntí, ntio ntī é kūtuni nto nté sa vá'ā o dé Xuva ko nī ña kuínti'xe i, ña ntánataká nuu iní ukún ñuú Macedonia.

² Tsí kuān te dōó ka'nu nuu i é ntánto'o ña ne, ntá tsi dōó diní ntoo ña; kuān te dōó nta'vi kue'en ña, ntá tsi dōó kue'e é xe'é ña doméni, vata tsi tē dōó iō iña ña.

³ Xu'ú kantada ntaa u. Iní u tsí xe'é ña vata kaa é iō iña ña ne, dií ka kue'é xe'é ña dī, tsí mii ñā ntío ña é kuē'é ña.

⁴ Dōo ikan ñā da xe'e te kué'e ntí itsi é xntii ña ta'an kō ña ntáduku ntée Xuva kō dī.

⁵ Ne, dií ka kue'é edé ña vata kaa e ntantétu ntī, tsí ña te da míi tsi é xe'é ña iña ña, tsí di'na ntáda ñā kuenta kúñu ña nta'a Xuva kō ne, da ntáda ña kuenta ntá'a ntí dī, vatā ó ntio Xuva kō.

⁶ Dukuān ne, ntaíkán nti da xe'e ntá'a Tito te naínú kava nto ni ña tsiñu vā'a e xtúvī ñá di'na, natakā ñá nee e ntío nto kué'e nto.

⁷ Divi ntō né, dōo vá'ā ó ntáde nto é un nti'ī e ntáde nto; tsi dōo vá'ā ó ntákuinti'xe nto; dōo vá'ā ó ntáka'an nto; dōo íni nto; dōo ntánti'ī iní nto é vii ntó nēe e ntío Xuva ko ne, dōo ntákuinima ntó nti vatā o nañé'e ntí nto. Dukuān ne, ntio nti é koo ntii ntó é vā'á koo vii nto tsiñu sá'á di, e ntánī nima nto kué'e nto iña nto.

⁸ Ñá te kataxnūu ú ntō é kā'án u ni ntō nté koo vii nto; mii tsi é ntio ko é kinī nto é vā'a e ntáde ña nguī san vata koo é kūtuni ntó tē nuu é ntaā i e ntánī nima ntó ntákuinima nto.

⁹ Iní ntó tsi Tó'o ko Jesūcristú ne, dōo vá'ā o dé ña ni kō; dōo kade ña da xe'e. Divi ñā né, dōo iō iña ñá e dukún kān, ntá tsi tsóo mii ntí'ī ña iña ña, e ntúnta'vī ñá kuenta iña nto, vata koo é divi ntō ne, nani'ī nto e dōo nuu á'vi i kuenta iña ña.

¹⁰ Ntá tsi é vā'á mii nto te kuínti'xe nto itsi ko é káka'án u ni ntó kuēnta iña núu i sá'a: Vá'ā ó te naínú kava nto tsiñu sá'á e dōo vá'ā o éni ntu'u ntō nte kuia ntí'ī ko kān; tsí di'na nto éni ntu'u ntō; di'na nto ntío nto é vii nto.

¹¹ Vi'a ve ne, kue'ēn ntó dā nté koo é nantí'ī nto; ntánī nima ntó vii nto vata tsi o éni ntu'u ntō nte nuu i kan, kué'e ntō nee é iō iña nto.

¹² Tsi te ūun ña'a ntio ña é kuē'ē nti'xe ña doméni nta'a Xúva kō ne, kanaki'ī ña da nēé ka é iō iña ña. Divi ñā ne, ñá kaikan ñá nēe é ña tuvi iña ko.

¹³ Ñá te kakā'án u te mii ntō tanúu nto vata koo é tuku ña'a kuntoo vá'a ña.

¹⁴ Tsí kaka'án u tsí díí ka vá'ā ó te kudadii nto ni ñā. Vevii é ntekú ka iō iña ntó ne, xntii nto ña tē ntátaan núu ña; divi ñā né, xntii ña ntō da ntátaan núu nto di. Kidáā né, kudadii nto ni ña,

15 vatā ó kaka'an tú'ūn é ūve na'á san: “Xoó ña'a é kué'é nataká ña ne, ñá ni ntōó ka iña ña; xoó ña'a é ña kué'e ni nataká ne, ñá ni kūnáa ntēé iña ña”, ka'an.

Tito ni ta'an ña

16 Ntadiá'vi Xuva kō, tsí xe'é ña é kuan tsī ó kuvi nima Títo é kanti'i iní ña vata tsī ó kanti'i iní ko kuenta iña nto.

17 Dōo xkúntee iní ña dá tsixe'ē ntí ña tē ncho ki'in ña, tsí mii ña dōo ntio ña é kī'in ña mí ntoo nto.

18 Taxnúu ntí uun ta'an ko nī Tito é dādii ki'in ñá ni ñá, uun ña'a e dōo vá'a ntáka'an ñá ñu'u ini ukún san iña ña, tsi dōo vá'ā ó kaka'an ña tú'ūn va'á iña Xuva ko.

19 Ñá te da mii tsi sá'a, tsí ña ñu'u ini ukún san nakaxnúu ña ña é káka dadii ntí ni ñá é xntii ñá ntí é kuído ntí nēe e kintído ntí iña ña ntátaan núu i san, vata koo é ká'an ña'a san tsi dōo ka'nu Xuva kō, vata koo é kūtuni ña tsi dōo ntio ko é xntii ta'an o.

20 Kí'in dādii ntí ni ñá, tsí ña ntío ntí é ká'an kíni ña'a kuenta iña ntí tsí kué'e e kintído ntí.

21 Dōo ntánti'i iní ntí é víi ntí nēe é vā'á kuenta iña Xuva ko ni ña'á san.

22 Uun ká tuku ta'an kō táxnūu ntí ña é kī'in dádii ña. É ki'in ito iní ntí tsí kade ntaa ña é un ntí'i. Vevíi ne, dií dií ka ncho víi ña tsiñu sá'a, tsí kanuu iní ña tsi ntáde ntaa nto é un ntí'i di.

23 Tē xoó ña'a tsixe'e ña nēe ñá'a Titó ne, ká'an nto tsí ta'an ko ñá, tsí dadii ntáde tsiñu ntí ni ña kuēnta iña nto. Te katsixe'e ña tā'an ko ña nguii san ne, ká'an ntō tsí ña ñu'u ini ukún san táxnūu ña ña, tsí divi ñá né, dōo ntaíko ñu'u ñá Cristu.

24 Dukuān né, nañe'ē ntó ña tsí nuu é ntaā i e ntákuinima ntó ña; nañe'ē ntó ña tsí nuu é ntaā i é vā'á ña'a nto, vatā o ntáka'án ntí ni ñá, vata koo é kūtuni ntíi ntíi ña'a, ña ñu'u ini ukún san.

9

É xntii o ta'an kō

¹ Ntá tsi ña kantío nto é kã'an túku ú ni nto kuēnta iña i é xntii ta'an ō, ña ntántikin Xúva kō,

² tsi é íní u tsi dóo ntío nto é xntii nto tā'an nto. Dōó ka'nu kuīní ko é kãka'án u ni ña ntoo da kanii ñúú Macedonia tsí ñi ntō, ña ñúú Acayá ne, é iō tu've nto nte kuia ntí'i ko kãn é xntii ta'an ntō. Tĩtĩn ña ntio ña é kuān koo vii ña ñi, tsi íni ña tsi dóo diní nto e ntáde nto.

³ Taxnúu ú ta'an kō san ve, vata koo é nāni'i é ntaā i é kãka'án u iña nto kuenta iña núu i sá'a, te ntaā i é iō tu've nto, vatā ó kaka'án u ni ña.

⁴ Tsí te kũnteká u ña ñúú Macedonia, kí'in ni'i ú ña míntoo ntō ne, te vāta tsoo tú've nto doméní san ne, dōó kuka'an nuú ntí e ntáka'an vétē ntí ni ña kuēnta iña nto ne, ñi ntō né, dōó kuka'an nuu ntó ñi.

⁵ Dukuān ne, kantio é kãkán u nta'a ta'an kō sán te ñi'na ña kí'in ña, kíkoto ní'ni ña nto te xntii ña nto é tsōo tú've nto doméní san vata ō xe'é nto xu'u nto dí'na. Kidáā ne, é iō tu've doméní san tē xeé ntí, vata koo é ña te dava ó ini nto, tsí mií ntō e dóo diní nto é kué'é nto.

⁶ Sá'a nanū'u ntó ini nto: Xoo é ña kue'e kaí'xi i ne, ña kué'e kánani'í i ñi; xoo é kué'e kaí'xi i ne, kué'e kánani'í i.

⁷ É un é un nto ne, kué'e nto nēe e ntádē kuení nima nto é kué'é nto; ña te kuētsi é kue'é nto, tsí Xuva ko kakuínima ña xoo é kaxé'e i é dodíni i.

⁸ Xuva kō né, kuví ta'xi ña é un ntí'i nēe é vā'a é ntio nto, vata koo é nguentúvi xee tá'an é un ntí'i iña nto, vata koo é xkōó ka iña nto é vii ntó da nēe ka tsiñu vā'a.

⁹ Tú'ūn é ūve na'a sán ne, du'vā ó kaka'an: Dōo kue'e tsí'i ña nta'a ña ntā'ví san;

tsiñu vā'a é edé ña ne, tuví ntii dañu ntūvi,
ka'an.

¹⁰ Mii Xuva kō é kāta'xi ña tsíkīn i é kū'xí ō é kūvi é kā'xi ó ne, ña ña tā'xi ña é un ntí'í e ntántio nto é kū'xi nto. Mii ñā ntio ña é kuē'nu dí vata koo é kuē'e ní'i kuenta iña tsiñú va'a é edé nto.

¹¹ Dīvi ntō ne, un ntí'í ntí'í koo iña nto ve, vata koo é kuē'e tsi'i nto é kintído ntí. Kidāā né, dōó títín ña'a nakué'e ña sintiá'vi nta'a Xuva ko kuēnta iña nto.

¹² Tsi dá kaxntii nto tā'an nto, ña ntántikīn Xúva kō ne, ñá te da mii tsi é xntii nto ñā e ntátaan núu ña, tsi nakué'e ña sintiá'vi nta'a Xuva ko kuēnta iña i e xntíi nto ñā.

¹³ É kuān ó ntáxntii nto ñā ne, ká'an ña tsi dōo ka'nu Xuva kō, tsi kutuni ña tsi nuu é ntaā i é ntaíko ñu'u nto tú'ūn va'á iña Cristu, tsi ñá ni de vīni nto iña nto é xe'é nto ña ni ūn ntí'í ntí'í ña nguīi sán dī.

¹⁴ Dīvi ñā ne, ka'an ntá'vī ñá iña ntó dī e dōo ntio ña nto, tsi dōo vá'ā o dé Xuva ko ni ntō e tá'xi ña é vīi nto é vā'á ni ñā.

¹⁵ ¡Ntadiá'vi Xuva kō tsi tá'xi ña uun doméni e dōo va'á kue'en, é ntē ña kuvi ká'an ō nté kaa díi díi é vā'a!

10

É kadē kú've Pablu, tsi pustru ña

¹ Xu'u é Pablu ú ne, ká'ān ú ni nto kuēnta iña Cristú, ña ña e dōo kakuinima ñá kō, e dōo vá'ā ó de ña ni kō. Xu'ú ne, tē dōo ntá'vī u dá itúvi ú ni ntō, kuiní nto, ntá tsi dá tuvi iká u ne, ñá ka'vī ko é ká'ān u ni ntō.

² Ká'ān ú ni nto tē ña tsi'i ñú'ū ntó ko é vīi ka'nu ú ni nto, iō ntó, tē náxeé u mí ntoo nto. Tē ña'á ne, kuān koo vīi u ni da xōó ka ña'a iña nto e ntáka'an ña tsi ntáde ntí vatā ó ntio kúñū ntí.

³ Kuān te ntáde ntí du'xen é ntoo ká ntí nī kúñū ntí ñuxiví sa ne, ntá tsi ña ntanáā ntí vatā o ntánāā ña ntoo ñuxiví sa.

⁴ Tsí nuu i e ntánāa núu ni'i ntí san ne, ñá te iñá ñuxiví sa, tsí nta'a Xuva ko vē'xi. Tsí Xuva kō né, dōó ntii inī ña é nantí'i ñá da nēé ka nuu i é kīni kaa, e dōo ka'nu.

⁵ Da nēé ka e ntádē kuení mii ñā'a san é ña te nuu é ntaā í ne, da nēé ka nuu i é kā'nu ncho vii, é kaēdí nuu itsi i é kīnī ña'a san Xuva kō; da nēé ka e ntádē kuení ña'a sán ne, ntántada ntí kuenta ntá'a Cristu vata koo é na kuīnti'xe ña ña.

⁶ É iō tu've ntí é kuē'é ntí é nto'o da xōo ka ña'a, ña é ña kákuinti'xe i é kākā'án Cristu, te xee ntúvi é uun ito tsi kuinti'xe vá'a nto.

⁷ Da mii tsī e ntaíto nto ña'a san nté ito ña. Tē xoó ña'a kaintée ini ña é kāduku ntée ña Cristú ne, na vii ñá kuenta tsí ntí'i ne, ntáduku ntée ntí Cristú di.

⁸ Kuān te ntéku kudii é kākā'án u kuenta iña tsiñú ntí ne, ntá tsi ña kakuka'an nuú ko, tsí Xuva kō tá'xi ña tsiñu ntí é xntii ntí nto vata koo é kuē'nu vá'a nto; ñá tē ntánakō'xó ntēé ntí nto.

⁹ Ñá te kataxnūu ú tutú san é ncho naū'ví u nto.

¹⁰ Ntáka'an ñá'a tsi dōo ntii kaka'án u dá kataxnūu ú tutú san nta'a nto, ntá tsi da xe dōo ntā'ví ito u dá tuví dadii ú ni ntō, e dōo ntā'ví tú'ūn ko, ntáka'an ña.

¹¹ Ntio ko é kūtuni ñá tsikan, tsí ñivi tsī é kākā'án ntí ni ña da de vá'a ntí tutú san da intóo ikā ntí ne, ñivi tsi vīí ntí di te nākuntóo dadii ntí ni ntō.

¹² Ñá ntío ntí é kā'an ntí vatā o ntáka'an túku ña'a é ntánakate ntoo mii ñā kúñu ña. Ñá tē ntádē ntí kuenta te vií ntí vatā ó ntáde ña. Tsí ñivi ña ne, ntáde tuntu ña é ntáki'i kú've míi tsi ña, é ntánantii ni'ni ta'an ña.

13 Ntá tsi ntí'í ne, ñá vīi ka'nu ntí nee iña é ña káduku ntée nti, tsí mii Xuva ko kākā'an ña mí xee tá'an tsiñu e ntáde ntí ne, ñi'vi ñā tá'xi ña itsi é xēé nti un tsi nte mí ntoo nto.

14 Ñá tē ntaíta ntí'xin ntí mi é ntio Xuva ko é xēé nti, tsí Xuva ko kākā'an ña é xēé nti mí ntoo nto. Tsí ñi'na ntí xēé nti ñuú nto kán é xēé ní'i nti tú'ūn va'á iñá Cristu.

15 Ñá tē ntáde ka'nu nti ntáka'án nti kuenta iña tsiñu é edé tuku ñá'a é vata te ntí'í edé nti. Ntá tsi é ntio nti é ñi' ka va'a koo kuinti'xe nto, vata koo é ñi' ka kue'e kada tsiñu ntí ni ntó, vata tsí ó kaka'an Xúva kō é vīi nti.

16 Kídáā ne, kuvi kī'in ka ntí ñuu é ñi' ka ikā é ñuū ntó, kika'an ntódo ká nti tú'ūn va'á san. Ntá tsi ñá ncho náki'i núu ntí tsiñu é edé tuku ñá'a, vata koo é ña ká'an ñá'a tsi dóo ka'nu ña'a ntí, vata te ntí'í éni ntu'ū nti ntáde tsiñu ntí ikān.

17 Tē xoó ncho kada ka'nu i ne, na kadā ka'nu ña kuenta iña Xuva ko.

18 Tsí ña e dóo va'á nti'xe ne, ña te míi ña kakā'an ña e dóo va'á ña, tsí Xuva ko kākā'an ña e dóo va'á ña.

11

Pablú ni ñā'a, ña é ña té pustru ntí'xe

1 Tē ñi' kūtíi nto nima nto ní ko te ká'án u vata kaa uun ña tuntu. Na kūtíi nto nima nto ní ko.

2 Tsí dóo kakukuiñú ko nto, ñi'vi dokuiñu é vē'xi nta'a Xuva kō, tsi é xe'é u xu'u ko é ntáda ú nto kuenta ntá'a Cristú ne, é kúvi nto vata kaa uun ñadi'í kuétsi, ña e dóo va'á, ña é vāta kiní ñatīi.

3 Ntá tsi kadē kuení ko te kuān koo yíi ña'a kani nta'ví ña nto vatā o dé koó san e kúvi dé ti éni ntā'ví ti Eva e dóo kī'in inī ti nté koo ka'an ti. Kídáā né,

xtuvī mii nto e ntánī nima nto e ntákuinima ntó Cristu, é da mii tsi ñā é kuinima ntó ña.

⁴ Tsi nto'ó ne, dōo va'a ntákutíi nto nima ntó te da xōo ka ña'a xee ña e dōo kadaka nchu'un é kāká'an ña iña Jesús. Kuān té ña te kaká'an ña vatā ó ntáka'án nti ne, ntá tsi dōo diní nto ntánaki'i nto tuku espíritū é ñā te ñi Espiritu Xuva kō é nuu nima nto dí'na. Dōo va'a ntaíni nto tuku nchu'un e dōo kadaka, é ñā te ñi tú'un va'á iña Xuva ko e kí'i nto dí'na.

⁵ Xu'ú ne, ñā te dutsī ká u é ña tsīkan, ña e ntáka'an é ñi ñā é pustru, ña e dōo ka'nu.

⁶ Kuān té ña kakuvi kaka'an vá'a ú ne, ntá tsi ini vá'a ú iña Xuva ko. É ñi nto sá'a, tsi dōo ntánañé'é nti nto da nēé ka nuu i é edé nti.

⁷ ¿ō dōo ntu kini kaa dé u é ña ni kí'i u xá'vi ko dá nakuā'a ú nto tú'un va'á san iña Xuva ko, é ntunta'vi míi u dá káda ka'nu ú nto?

⁸ Tsí kaido ú diu'un iña ñā ñu'u ini ukún xio ñuu é vata kaa te xá'vi ko vata koo é ñi ntó ña ntá'vi nto ko é xntii ú nto.

⁹ Dā itúvī ú ni ntó ne, dōo táan nuu ko, ntá tsi nté uun nto ña ni ngunúu ú nto te xntii ntó ko é kátaan núu ko, tsí ta'an ko ña vé'xi ñuú Macedoniá ne, xntii ñā kó nēé é kátaan núu ko. Dukuān né, dōo dé u kuenta vata koo é ña natekú du'xén u ntó ne, kuān tsi koo vií u nguentúvi.

¹⁰ Nuu é ntaā í vatā ó kaka'án u, tsí kantikín u Cristu. Kutuni Xúva kō tsi nté uun ña'a ña kuvi nakadí ña xu'u ko é ká'án u tsí ña ni kí'i u diú'un ntó da xntíi ú nto ne, kuān tsi koo ká'án u ni ña ntoo kanī ñuú Acayá ñi.

¹¹ ¿Nté kui kuān ó kaka'án u? ¿ō ña ntío ntu kó nto? Ntá tsi Xuva kō ini ña tsi dōo ntio kó nto.

¹² Kuān tsi koo vií ka ú vatā o dé u, é ña kí'i ú xa'vi ko é edé tsiñu u, vata koo é ña kué'e u é vií ka'nu ña

e ntáde tsiñu vatā o ntáde tsiñu ntī.

¹³ Tsí ña kuān ó ntáde sán ne, ñá tē dívi ñā é pustru é nuu é ntaā í ña, tsí da ti tsi ntaéni nta'ví ña ña'a e ntáka'an ña é pustrú Cristu ña.

¹⁴ Ña túvī nee iña é da kudu'va kō, tsí mii tsí tó'ō e ña vá'ā sán ne, kaeni nta'ví ña'a é kánadama kúñu ī é ntūvi vata kaa ánjē va'a.

¹⁵ Dukuān ne, ñá tē neé ka'nu nuu i te ña ntáde tsiñu iña i ntánadama ña kúñu ñā é ntūvi ña vata ntāa ña ntáde tsiñu iña Xuva ko, ña e dóo va'a. Ntá tsi uun ntuvi ni'i ña é nto'o ña nta'a Xuva kō é kuān ó ntáde ña.

Da ntó'o Pablu da dé ña pustru

¹⁶ Uun ito ká tuku ka'án u ni nto tē nté uun nto ña kadá kuení nto te kākulukú u. Te kuān o ntádē kuení nto ne, ntá tsi kiní nto nēe e ká'an ña lukú sa ni ntō, ña é kākā'an mī, ña é kade ka'nu mī.

¹⁷ É kuān ó kaka'án u ne, ñá te kakā'án u vatā ó ntio Xuva kō, tsí kaka'án u vatā ó kaka'an ña lúku, ña é kadē kuení i é ncho víi ka'nu.

¹⁸ Da xe dóo iō ñá ncho kada ka'nu ñuxiví sa ne, xu'ú ne, kuān koo kada ka'nú u dī.

¹⁹ Tsí nto'o e dóo ini ntó ne, dōo vá'ā ó ntádē kuení nto nī ña lukú san.

²⁰ Ntō'ó ne, dōo vá'ā ó ntádē kuení nto ni tūku ñá'a, kuān te kátee tsiñu kuétsi ña nto, kuān te kánantī'í ña nto, kuān te katāin ña ntō é viī nto é ká'an ñá, kuān te dóo ka'nu ncho víi ña ni ntō, kuān te kaxe'é nuu ña vinuu nto.

²¹ Xu'ú ne, kakuka'an nuú ko é ká'án u e ña kákene iní ntī é kuān koo víi ntī ni ntō.

Ntá tsi da nēé ka nuu i é ña kaú'ví ña é ká'an ña e dóo va'á iña ñá ne, xu'ú dī ne, ñá kaū'ví ko é kuān koo ka'án u vatā ó kaka'an ña lukú sa.

22 Ña tsīkán, ¿hebreu ntú ña? Kuān xu'ú di, tsí ña hebreu ú di. ¿Tātá Israee ntú ña? Xu'ú di. ¿I'xá Abraan ntú ña? Dīvī ú di.

23 ¿Ña kade tsiñu iña Cristu ntú ña? Xu'ú ne, dií dií ka dīvī u é dīvī ña, kuān te vata ó kaka'an ñá luku ú nee é kaka'án u. Ntá tsi dií dií ka éde tsiñu u é ña tsīkan. Dií dií ka ki'in itō inúu kutū ú vi'i utun. Dií dií ka ki'in itō é'ni ña ko é ña tsīkán ne, e dóo ki'in itō é dokó sa kaxi'í u di.

24 Ú'un itō é'ni ña Israee san ko. Kāni ña kó xo'o. Oko xe'un kīmi é uun ito xé'e ña ko.

25 Úni ito káni ña kó utun. Uun ito ká tuku ne, xuu káni ña ko. Úni ito nántatsin tun ntōo é kaxkani'í u nú ntute ñu'u kán. Uun ntuvi, uun niñu inúu nto'o u mé'ñu ntute ñu'ū san.

26 E dóo ki'in itō ñé'e ú ne, é dōo ínī u tsi dóo donchu'vi nú ntute ka'nu sán ne, dōo donchu'ví nī ña du'ú di; dōo donchu'ví nī ña ñuú ko é ncho ka'ní ña kó, nī ña tuku ñuú san di. Iní u e dóo donchu'ví ñuú ka'nu san nī má kū'ú san, ni ntute ñu'ū sán di ne, dōo donchu'ví ni tā'an ko, ña é ña te nuu é ntaā i e ntákuinti'xe i Xuva kō.

27 Dōo ntó'o ko é dé tsiñu ú ne, dōo ki'in itō ña ni kídī ú ne, dōo ntó'o ko e dóo kákin kó ne, dōo itsí ko ntute di. Un vé'xi ne, ítūví ntité u ne, dōo ntó'o ko é vī'xin é ña tuvi dú'nú ko.

28 Uun ká tuku nuu i sá'a ne: utén uten dóo kaexnúu kó e dóo kantí'i iní ko un ntíí ntíí ña ñu'u iní ukún san.

29 Tē xoó ña tuvi ntíi i ne, vata tsī ó kanto'o kó di. Tē xoó kakó'xo i uun nuu i ne, xu'ú e dóo u'vi kakúvi kó kuenta iña i.

30 Te kántio é káda ka'nu ú ne, kada ka'nu ú kuenta iña i é ña ni kuvi vií u é ña tuvi ntíi ko.

31 Xuva kō, ña é Uva Tó'o ko Jesūcristu, ña é kā'an o tsi dóo va'á ña ntii dañu ntūvi ne, dīvī ña ĩni ña tsí

nuu é ntaā i é kākā'án u.

³² Dā itúvi ú ñuú Damascú ne, ña odo nūú iña rei, ñá nani Āretá ne, tēe tsiñu ña ña é víi kuenta xi'í ñuú san é tñn ña ko é xnuu kutu ñā ko.

³³ Ntá tsi ini xika núu ú, nanúu ñá ko ata ntó'o kán é kánti'u núu diñi ñuú san. Dukuān né, ntīi ni'ni ú nta'a ña.

12

E xé'e Xuva kō é kīnī Pablu

¹ É ĩnī u tsí ña tuví neé kani'í ko é kāda ka'nu u, ntá tsi xu'ú ne, ká'ān ú nee e tá'xi Xuva kō é kūtuní ko, é kīnī u di é vatā ó kivi te kakénī ko.

² ĩnī u uun ña'a, ña e kuínti'xe i Cristú ne, é kūvi uxkimi kuíā e nádita ña ñā é xee ña é kivi ūni é dukún kán mí tuví Xuva kō. Ntá tsi ña ĩnī u te kanñ kúñu ñā ñe'e ñá ne, o da mii tsī nima ña. Xuva ko ĩni ña.

³ ĩnī u tsí ña tsíkán ne, (kuān te kanñ kúñu ña, kuān té nima tsí ña ne, mii tsi Xuva ko ĩni ña) ne,

⁴ nadíta ña ña mí e dóo vá'ā o mí tuví Xuva kō. Ikán téku ña tú'ūn e dóo xū'ú kaa, e dóo xii kaa, e nté uun ña'a ña kivi ká'an ña é tēkú tuku ña'a.

⁵ Kuenta iña ñā tsíkán ne, kada ka'nu ú, ntá tsi ña kada ká'nu ú kuenta iña mií ko. Da mii tsi kāda ka'nu ú kuenta iña i é ña ni kivi víi u é ña tui ntíi ko.

⁶ Ntá tsi kuān te ntío ko kada ka'nu ú ne, ñá te vatā ó kaka'an ña tuntu ó kaka'án u, tsí da mií é nuu é ntaā i é kākā'án u. Ntá tsi ña kuān koo víi u vata koo e nté uun ña'a ña kadá kuení ña te dóo ka'nu u. Tsi é ĩni ña nté kaa u é tēkú ña nté o kaka'án u di.

⁷ É ña ntío Xuva kō é kāda ka'nu ú kuenta iña i e tá'xi ña é kūtuní ko é vā'a é ĩnī u ne, tā'xi ña é kánto'o kó, vatā ó kivi te iñu ni'ni ntído kúñu ko.

Vata kaa iña é ña vá'ā san é kanantō'o ko vata koo é ña kuntekú ka é kāde ka'nu u.

⁸ E úni ito ikán u nta'a Tó'o ko te nāki'i ña é kāde i é kānto'o kó san,

⁹ ntá tsi kaka'an ñá nī ko: “Ñá'ā, tsi é xéē ó iña o e dóo kakuinimá ko o. Kutuni ñá'a tsi dóo ió ko é vīi u é xntiī ú o ntuvi da ña tuvi ntíi o”, ka'an ña. Dukuān né, dōo diní ko é kāda ka'nu ú kuenta iña i é ña tuvi ntíi ko vata koo é kūtuni ñá'a tsí dīvi Cristu e dóo iō ñá é vīi ña.

¹⁰ Dukuān ne, kaitúvi dīni u dá ña tuvi ntíi kó, da ntáka'an kīni ña'a san iñá ko dī; dá kātaan núu ko, dá ntáde xení ña'a san ní ko, da neé ka nuu i é kānto'o kó kuenta iñá Cristu. Tsí iní u tsí da ña tuvi ntíi kó ne, kidáa kata'xi Xuva ko ntíi ko é vīi u.

E dóo kantí'i iní Pablu ña ñu'u ini ukun ñuú Corintu

¹¹ Xu'ú ne, kaka'an ntí'xe ú vatā ó kaka'an úun ña tuntu é kade ka'nu miī ú kuenta iña miī ko. Ntá tsi dīvi kuetsí nto é kuān ó kaka'án u. Dīi ka vá'a o tē dí dīvi nto ni kā'an ntó kuenta iñá ko. Tsí ña te dīi ka dutsī u é vata kaa ña tsikán, pustru e dóo ka'nu ña'a ña, kuiní ña, kuān té ña váda kaidiá'vi ko.

¹² Tsi dóo kutíi ú nima ko dá itúvi ú ni ntō ne, titín nuu i iní nto, nī dóxo kā'nu, vata koo é kūtuni nto tsí nuu é ntaā i é pustrú u iña Xuva ko.

¹³ ¿Mí'i ntū ña ni idé u dadíi ni nto vatā ó de ú nī ña ñu'u ini ukun xio ñuu? Ntá tsi kada ka'nu iní nto nī ko é ña ni natékú du'xén u nto é xntiī ntō kó nee iña é kātaan núu ko.

¹⁴ É iō tu've ko é kī'ín u, kíkoto ní'ni ú nto é kūvi uni ito. Ntá tsi ñá nateñu núu ú nto, tsí ña te iña nto e ntío ko, tsí miī nto é ntio kó nto. Tsí uva i'xá san, ña é dūku ntée é nātsoo vá'a ña iña ña é kūvi iña i'xá ña, ñá te i'xá ña é dūku ntée é nātsoo vá'a é kūvi iña ña.

15 Xu'ú ne, dōo diní ko te nantí'í ú nee iña é iō iñá ko kuenta iña ntó, kuān té nte ntuvi iñá ko nantí'í ú vata koo é ðivi nto nāni'i nto ntuví va'á iña nto. Ntá tsi dā dií dií ka ntio kó nto ne, ðivi ntō né, vata te kantudutsī é ntio nto kó, kuiní ko.

16 Ini nto tsi nté uun nuu i ña ni nateñu núu ú nto. Ntá tsi iō ña'a ntáka'an ña tsi dóo iní u nté koo vií u é kūvi kani nta'ví u nto.

17 ¿Vá eni ntā'ví ntu ú nto nta'a ña e táxnūu u mí ntoo nto?

18 Xu'ú ne, íkān ú nta'a Títo te kī'in ña, kíkoto ní'ni ña nto mí ntoo nto ne, taxnūu ú uun ká tuku ta'an ko é kī'in ñá ni ñā. ¿Vá eni nta'ví ntu Títo san nto? ¿Ñā ntu te dadí tsi ntáde ntí ni ñā? ¿Ñā ntu te uun tsi nimá nti ni ñā?

19 Tē ntádē kuení nto tē ntánada'ān ntí kúñū ntí nuu nto, dá kuān ó ntáka'án nti ni ntō. Ntá tsi ña te kuan ō. Tsí nti'í ne, nuu Xúva ko ntáka'án nti e ntántikín nti Cristu. É kuān o ntáka'án nti ni ntō ne, vata koo é xntií ntí nto e dií ka kue'nu nto te kutú've nto iña Xuva ko. Tsí ðivi ntō tá'ān ko e dóo ntio kó nto.

20 Kadē kuení ko nté koo kuvi te nāni'i ta'an ko: tē ña vií nto vatā ó ntio kó, tē ña vií u vatā ó ntio nto ði. Kadē kuení ko te iō ña é nāa núu ña, te iō ña é kūne'u iní ña, te kūdiin ñá ði, tē ntio ña é vīi mii ñá kuenta iña mii ñá, te kā'an kīni ña iña ta'an ñá, te kā'an véte ña, te kāda ka'nu ña, te kuān sá koo vii ña da nēe ka é ntio ña.

21 Kaū'ví ko tē dá kī'in xtúku ú mí ntoo nto ne, ta'xi Xuva kō é kūka'an nuu xtúkú ko kuénta iña ntó, te kutúví nta'xa ú kuenta iña ntó, iō ntó, ña e dóo iō kuetsí i nte dí'na. Váta nātivi iní ña e dóo dé ña nuu i é kīni kaa, e dóo dé ña é kīni kaa ni ñadí'í san, é edé ña da nēe ka é ntio nima kīni kaa ña.

13

Nté koo vií ña

¹ E sá'a kūvi uni íto é kī'ín u, kikoto ni'ní u nto. Kaka'an tú'un Xuva kō: “Tē xoó ntio i é tsi'i kuétsi uun ká tuku ña'a ne, da miī é kántio uvi, uni ña'a é ntāda ntaá ña”, ka'an.

² É kākā'án u ni ñā é iō kuetsí i di'na, nī é un ntíí ntíí ña nguī san dá ñe'é u é kuvi ūvi íto ne, kuān te ika túví u mí ntoo nto vevii, ntá tsi kā'án u vata tsi o é kākā'án u dá kixkoto ni'ní u nto é kuvi ūvi íto ne, te kī'ín xtúku u mí ntoo nto ne, ñá ntuntā'ví ini kó ña; da miī é nantō'o ú ña.

³ Kidáa kutūni nto tsí nuu é ntaā i é kākā'án u naá Cristu. Dīvi ñā ne, ñá te vītá ini ña ni ntō, tsi dóo iō ña é vií ñá ni ntō.

⁴ Ini nto tsí dā xi'i ñá ntiká krusí ne, vata te ña tuvi ntíi ñā, ntá tsi xe'é Xuva ko ntīi ña é ntōto xtuku ña ne, kantíto ña vevii. Ntí'í ne, ña túvi ntīi ntí dī, vata kaa ña é ña tuvi ntíi ña kídaā dá xi'i ña, ntá tsi dā kúdadii ntí ni ñā ne, kata'xi Xúva ko ntīi ntí vata koo é vā'á koo vií ntí kuenta iña nto.

⁵ Kadā kuení mii ntō te vā'á ō ntákuinti'xe nto. Koto ntee mii nto. ¿Ñā ntu ntácutuni nto te tūví Jesucristu ni ntó, o ñā ntu te nuu é ntaā i é iña ña nto?

⁶ Ntio ko é kūtuni ntó dī tsí ntí'í ne, nuu é ntaā i é ntántikín ntí Cristu.

⁷ Ntáka'an ntá'ví ntí ni Xuva ko vāta koo é ña vií nto nuu i é kīni kaa. Ñá te kuān o ntáde ntí kuenta iña mií ntí, vata koo é kā'an ña'a tsi dóo vā'á o nakua'á ntí nto, ntá tsi ntio ntí é vā'á koo vií nto, kuān te ña ni idiá'vi ntí, kuiní ña'a san.

⁸ Ña kúvi nakuítá ntí nee é nuu é ntaā i. Da miī é vií ntí kuenta iña i é nuu é ntaā i.

⁹ Dōo diní ntĩ tē ña kantio é ntĩ'í koó ntiĩ ká ntĩ, tsí d̄ivi nto k̄uvi vií nto é un ntĩ'ĩ. Ntáka'an ntâ'ví ntĩ iña nto vata koo é vā'á koo vií kue'en nto.

¹⁰ Taxnūu ú tutú sa'a di'na dá k̄'ín u mí ntoo nto vata koo é ña kantio é k̄ada tii ú ni nto te k̄'ín u. Tsí tsiñu e tá'xi Xuva kō é vií u kuenta iña ntō ne, ñá tē é nakō'xó u nto, tsí vií u é xntiĩ ú nto é kué'nu vā'a nto.

¹¹ É nantĩ'ĩ u é k̄aka'án u ni nto, tá'ān kó ne, ká'ān ú ni ntō é vā'a vā'a tsi koo kuntōo nto. Ntuku nto nēe e vā'a ntuvi iña nto. Ka'nu tsi vií nto nima nto. Uun tsi kadā kuení nto ni tā'an nto ne, vā'a tsi koo kuntoo nto ni tā'an nto. Kidáā né, Xuva kō, ña é tā'xi é kuntōo vā'a ō, é kuinima tá'an ko ne, kunūu mé'ñu k̄nuu dava ña nto.

¹² Kué'e ntō ntiusi tá'an nto.

¹³ Un ntĩ'í ntĩ'í ña ntántikin Xúva ko taxnūu ña ntiusi nto.

¹⁴ Tō'ó ko Jesūcristú na tā'xi ña nto é vā'a. Xuva ko na kuñima ñá nto. Espiritū Sántū sán na kunūu mé'ñu ña nto ūn ntĩ'í ntĩ'í nto. Kuan tsí koo é k̄a'án u ni ntō.

**Tū'ún xuva kō vatā ó ntáka'an ña ñuú
Coatzospan**

**New Testament in Mixtec, Coatzospan
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

8f775598-56d9-56fd-966e-15e054d2f275